



PËR PUBLIKIM TË MENJËHERSHËM

11 Prill 2011

Zyra për shtyp: +389 2 310 2314

Celulari: +389 (0)70 367 547

Email: bvelickovska@usaid.gov

KOMUNIKATË PËR SHTYP

Prezantimi i projektit të USAID-it: Rrjeti rinor për aftësitë e punësimit

Sot në Shkup, USAID e ka promovuar projektin e ri pesëvjeçar "Rrjeti rinor për mësimin e aftësive të punësimit - YES" me qëllim që t'i ndihmohet të rinjve në mësimin e aftësive të nevojshme, për kyçje në ekonominë bashkëkohore që ndryshon me shpejtësi të jashtëzakonshme.

Rrjeti YES do të jetë lidhje mes Agjencisë së punësimit, shkollave të mesme profesionale dhe organizatave joqeveritare që i kanë të rinjtë në shënjestër, me qëllim që t'i ndihmohet nxënësve në ndërtimin e karrierës së tyre, të sigurohen trajnime për aftësitë e prapavijës dhe të ndërtohet përvoja përmes punës praktike, mësimit përmes punës dhe punës gjatë verës. Projekti do ta synojë ndërtimin e kapaciteteve tek anëtarët e rrjetit, me qëllim të lidhjes më të mirë të nxënësve dhe rinisë së papunësuar me mundësitetë e ofruara për punësim.

Rrjeti YES do të krijojë edhe këshilla nën udhëheqjen e komunave, që do të jenë platformë për bashkëpunim mes punëdhënësve, mësimdhënësve, OJQ-ve dhe komunave, me qëllim të harmonizimit të aftësive që kërkohen në tregun e punës me aftësitë e të rinjve, që mësohen përmes sistemit arsimor.

Strumica, Manastiri dhe Tetova janë tre komunat e para ku do të fillojë zhvillimi i rrjetit YES gjatë vitit të parë. Në fund, projekti do të punojë me dhjetë komuna në mbarë Maqedoninë.

SHËNIM PËR REDAKTORËT:

Rrjeti YES i USAID-it implementohet nga Qendra për zhvillimin e arsimit (Education Development Centre), që është qendër globale joftimprurëse, e fokusuar në përmirësimin e procesit të mësimit dhe në promovimin e shëndetit.

Që nga viti 1993, populli amerikan ka investuar rreth 500 milionë dollarë amerikanë në Maqedoni përmes USAID-it. USAID është duke implementuar projekte me të cilat krijohen vende të punës, zvogëlohet korrupzioni dhe përgatiten studentët e Maqedonisë për forcën e punës. Këto nisma e përkrahin tranzisionin e Maqedonisë drejt demokracisë stabile. USAID siguron ndihmë ekonomike dhe humanitare për më tepër se 100 shtete. Për më tepër informata, ju lutemi viziton: <http://macedonia.usaid.gov/>